

Կազմված է 15.02.2020թ.

ՏՊԱԳՐՎԱԾ Է ԸՆԴԱՄԵՆԸ 2ՕՐԻՆԱԿԻՑ  
ՕՐԻՆԱԿ 1

ՀԱՍՏԱՏՎԱԾ Է

ԳՐԱՆՑՎԱԾ Է

«ԱՂԵԿՎԱՂ»  
ԿՈՒՍԱԿՑՈՒԹՅԱՆ

ՀՀ ԻՐԱՎԱԲԱՆԱԿԱՆ ԱՆՁԱՆՑ ՊԵՏԱԿԱՆ  
ՌԵԳԻՍՏՐԻ ԳՈՐԾԱԿԱԼՈՒԹՅԱՆ ԿՈՂՄԻՑ

«15» ՓԵՏՐՎԱՐԻ 2020Թ.

ԳՐԱՆՑՄԱՆ ՀԱՄԱՐ 211/182.1122555


ՀԻՄՆԱԴԻՐ ՀԱՄԱԳՈՒՄԱՐԻ ԿՈՂՄԻՑ


ՀԱՐԿ ՎՃԱՐՈՂԻ ՀԱՇՎԱՌՄԱՆ ՀԱՄԱՐ

ԿՈՒՍԱԿՑՈՒԹՅԱՆ ՎԱՐՉՈՒԹՅԱՆ  
ՆԱԽԱԳԱՀ


028 25 295

«02» ապրիլ 2020Թ.

  
(ստորագրություն)

  
(անուն, ազգանուն)

ՊԵՏԱԿԱՆ ՌԵԳԻՍՏՐԻ ԳՈՐԾԱԿԱԼՈՒԹՅՈՒՆ



ԿԱՆՈՆԱԴՐՈՒԹՅՈՒՆ

«ԱՂԵԿՎԱՂ»  
ԿՈՒՍԱԿՑՈՒԹՅԱՆ

## 1. ԸՆԴՀԱՆՈՒՐ ԴՐՈՒՅԹՆԵՐ

1.1. «Ադեկվադ» կուսակցության (այսուհետ նաև՝ Կուսակցություն) հայերեն անվանումն է՝ «Ադեկվադ» կուսակցություն (հապավումը՝ ԱԿ), ռուսերեն անվանումը՝ Партия "Адекват" (հապավումը՝ ПА), անգլերեն անվանումը՝ "Adekvad" Political Party (հապավումը՝ APP):

1.2. Կուսակցությունն ունի խորհրդանշան, որի նկարագրությունը և պատկերը ներկայացված են սույն կանոնադրության բաղկացուցիչ մաս կազմող Հավելված 1-ում:

## 2. ԿՈՒՍԱԿՑՈՒԹՅԱՆ ԱՆԴԱՄԸ

2.1. Կուսակցության անդամ կարող է լինել տասնութ տարին լրացած Հայաստանի Հանրապետության յուրաքանչյուր գործունակ քաղաքացի, ով ընդունում է Կուսակցության ծրագիրն ու կանոնադրությունը և չի հանդիսանում մեկ այլ կուսակցության անդամ: Կուսակցության հիմնադիրները կուսակցության պետական գրանցումից հետո օրենքի ուժով դառնում են Կուսակցության անդամ: Կուսակցության անդամ չեն կարող լինել «Կուսակցությունների մասին» սահմանադրական օրենքով (այսուհետ՝ Սահմանադրական օրենք) և այլ օրենքներով կուսակցության անդամ լինելու իրավունք չունեցող անձինք:

2.2. Կուսակցությանն անդամագրվում են կամավոր հիմունքներով, անհատական կարգով, Կուսակցության վարչության նախագահին ուղղված անձնական դիմումի հիման վրա: Անդամագրության հարցը լուծում է Կուսակցության վարչության նախագահը: Կուսակցությանն անդամակցության համար սահմանվում է փորձաշրջան, որը չի կարող երեք ամսից ավել տևել: Կուսակցության վարչության նախագահը կարող է նախքան փորձաշրջանի ժամկետի ավարտը որոշում կայացնել անդամակցության ընդունվելու կամ չընդունվելու վերաբերյալ:

2.3. Եթե Հայաստանի Հանրապետության Սահմանադրությամբ կամ օրենքներով Կուսակցությանն անդամակցությունն անթույլատրելի է դառնում, այն կասեցվում է Կուսակցության անդամի դիմումի հիման վրա՝ Կուսակցության վարչության նախագահի որոշմամբ: Կասեցումը հանվում է նույն կարգով: Կուսակցության վարչության նախագահը կարող է Կուսակցության անդամի՝ Կուսակցությանն անդամակցությունը կասեցնել նաև այլ դեպքերում: Այդ դեպքերում ևս կասեցումը հանվում է նույն կարգով:

2.4. Կուսակցությանն անդամությունը դադարեցվում է Կուսակցության վարչության որոշմամբ՝

2.4.1. Կուսակցության անդամի անձնական դիմումի համաձայն՝ Կուսակցությունից դուրս գալու դեպքում.

2.4.2. Կուսակցությունից հեռացվելու դեպքում.

2.4.3. Կուսակցության անդամի մահվան դեպքում.

2.4.4. Կուսակցության լուծարման դեպքում:

2.5. Սահմանադրական օրենքով նախատեսված իրավունքներից բացի՝ Կուսակցության անդամն իրավունք ունի՝

2.5.1. Կուսակցության մարմինների քննարկմանը ներկայացնել հասարակական-քաղաքական կյանքի տարբեր հարցերի վերաբերյալ նախաձեռնություններ և առաջարկություններ.

2.5.2. մասնակցել այն ժողովին կամ նիստին, որտեղ քննարկվում է իր անձնական հարցը կամ առաջարկությունը, արտահայտել իր կարծիքը քննարկվող հարցերի վերաբերյալ:

2.6. Կուսակցության մարմինների որոշումներն ու գործողությունները Կուսակցության անդամների կողմից կարող են բողոքարկել Կուսակցության վարչության նախագահին:

2.7. Կուսակցության անդամը պարտավոր է՝

2.7.1. գործել Կուսակցության ծրագրի և կանոնադրության շրջանակներում.

2.7.2. կատարել Կուսակցության համագումարի և Կուսակցության մարմինների որոշումները.

2.7.3. մասնակցել այն ժողովներին և նիստերին, որոնց հրավիրված է.

2.7.4. կատարել սույն կանոնադրությամբ նախատեսված այլ պարտականություններ:

2.8. Կուսակցության կանոնադրությամբ նախատեսված պարտականությունները չկատարելու կամ ոչ պատշաճ կատարելու դեպքում Կուսակցականության անդամը Կուսակցության վարչության նախագահի կողմից կարող է ենթարկվել կարգապահական պատասխանատվության հետևյալ միջոցների

2.8.1. նկատողություն.

2.8.2. խիստ նկատողություն.

2.8.3. Կուսակցությունից հեռացում:

### 3. ԿՈՒՍԱԿՑՈՒԹՅԱՆ ԿԱՌՈՒՑՎԱԾՔԸ

3.1. Կուսակցության մշտապես գործող ղեկավար մարմինը Կուսակցության վարչությունն է: Այն կազմված է Կուսակցության վարչության նախագահից և անդամներից: Կուսակցության վարչությունը ձևավորվում և կազմալուծվում է Կուսակցության համագումարի որոշմամբ: Կուսակցության վարչության կազմում փոփոխությունները կատարվում են Կուսակցության համագումարի որոշմամբ:

3.2. Կուսակցության վերահսկողություն իրականացնող մարմինը Կուսակցության կարգապահական հանձնաժողովն է: Այն կազմված է Կուսակցության կարգապահական հանձնաժողովի նախագահից և անդամներից: Կուսակցության կարգապահական հանձնաժողովը ձևավորվում և կազմալուծվում է Կուսակցության համագումարի որոշմամբ: Կուսակցության կարգապահական հանձնաժողովի կազմում փոփոխությունները կատարվում են Կուսակցության համագումարի որոշմամբ:

3.3. Կուսակցության վարչությունը պարտավոր է՝

3.3.1. կազմակերպել, ղեկավարել և վերահսկել Կուսակցության համագումարի որոշումների կատարման ընթացքը.

3.3.2. վերահսկել Կուսակցության տարածքային ստորաբաժանումների, դրանց ղեկավար և վերահսկողություն իրականացնող մարմինների աշխատանքը:

3.4. Կուսակցության վարչությունը սույն կանոնադրության 3.3.2-րդ կետով նախատեսված պարտականության կատարման արդյունքում իրավունք ունի Կուսակցության վարչության նախագահին ներկայացնել այդ մարմինների աշխատանքների բարելավմանն ուղղված առաջարկություններ:

3.5. Կուսակցության կարգապահական հանձնաժողովը պարտավոր է՝

3.5.1. Կուսակցության վարչության նախագահի հանձնարարությամբ քննարկել կուսակցության անդամին կարգապահական պատասխանատվության ենթարկելու հարցը և կարծիք ներկայացնել Կուսակցության վարչության նախագահին.

3.5.2. վերահսկողություն իրականացնել Կուսակցության ֆինանսական գործունեության նկատմամբ.

3.5.3. Կուսակցության վարչության նախագահի հանձնարարությամբ ստուգել Կուսակցության գույքի հետ կապված գործընթացները:

3.6. Կուսակցության կարգապահական հանձնաժողովը սույն կանոնադրության 3.5.2-րդ և 3.5.3-րդ կետերով նախատեսված պարտականությունների կատարման արդյունքում իրավունք ունի Կուսակցության վարչության նախագահին առաջարկություններ ներկայացնել Կուսակցության ֆինանսական գործունեության և գույքի հետ կապված գործընթացների բարելավման ուղղությամբ:

3.7. Կուսակցության վարչությունը և Կուսակցության կարգապահական հանձնաժողովը գործում են անժամկետ:

3.8. Կուսակցության վարչության նախագահի որոշմամբ Կուսակցությունում կարող են ստեղծվել կառուցվածքային ստորաբաժանումներ:

#### 4. ԿՈՒՍԱԿՑՈՒԹՅԱՆ ՀԱՄԱԳՈՒՄԱՐԸ

4.1. Կուսակցության հերթական համագումարը հրավիրվում է չորս տարին մեկ անգամ:

4.2. Կուսակցության արտահերթ համագումար կարող է հրավիրվել Կուսակցության վարչության որոշմամբ:

4.3. Կուսակցության համագումարի պատվիրակներն ընտրվում են Կուսակցության վարչության նախագահի կողմից՝ նրա կողմից համագումարից առնվազն 5 օր առաջ կայացված որոշմամբ:

4.4. Կուսակցության համագումարը պարտավոր է որոշումներ կայացնել Սահմանադրական օրենքով կուսակցության համագումարի բացառիկ իրավասություններ համարվող հարցերի վերաբերյալ:

4.5. Կուսակցության համագումարն իրավունք ունի քննարկելու իր որոշմամբ սահմանված ցանկացած հարց, որի վերաբերյալ որոշում կայացնելու իրավունքը օրենքով կամ սույն կանոնադրությամբ վերապահված չէ այլ մարմնի:

#### 5. ԿՈՒՍԱԿՑՈՒԹՅԱՆ ՎԱՐՉՈՒԹՅԱՆ ՆԱԽԱԳԱՀԸ

5.1. Բացի սույն կանոնադրությամբ նախատեսված այլ պարտականություններից՝ Կուսակցության վարչության նախագահը

5.1.1. իրականացնում է Կուսակցության ընդհանուր ղեկավարումը:

5.1.2. ներկայացնում է Կուսակցությունը, դրա շահերը և դիրքորոշումը պետական և տեղական ինքնակառավարման մարմինների, հասարակական, քաղաքական և միջազգային կազմակերպությունների հետ ունեցած հարաբերություններում կամ այդ նպատակով լիազորում է Կուսակցության վարչության այլ անդամի:

5.1.3. հրավիրում է Կուսակցության վարչության նիստերը, վարում դրանք, կուսակցության անունից ստորագրում է բոլոր անհրաժեշտ փաստաթղթերը:

5.1.4. Ազգային ժողովի ընտրություններին և Երևան, Գյումրի, Վանաձոր քաղաքների ավագանիների ընտրություններին Կուսակցության մասնակցության դեպքում սահմանում է Կուսակցության ընտրական ցուցակների ձևավորման կարգը՝ հաշվի առնելով Կուսակցության անդամների, ինչպես նաև տարածքային ստորաբաժանումների ներկայացրած առաջարկությունները:

5.2. Կուսակցության վարչության նախագահն իրականացնում է բոլոր այն լիազորությունները, որոնք Սահմանադրական օրենքով կամ սույն կանոնադրությամբ վերապահված չեն Կուսակցության այլ մարմիններին:

5.3. Կուսակցության վարչության նախագահն ընտրվում է համագումարի կողմից անժամկետ՝ համագումարի պատվիրակների ընդհանուր թվի ձայների մեծամասնությամբ: Կուսակցության վարչության նախագահի թեկնածություններն առաջադրվում են համագումարի պատվիրակների կողմից:

#### 6. ԿՈՒՍԱԿՑՈՒԹՅԱՆ ՏԱՐԱԾՔԱՅԻՆ ՍՏՈՐԱԲԱԺԱՆՈՒՄՆԵՐԸ

6.1. Կուսակցության տարածքային ստորաբաժանումները ստեղծվում են Կուսակցության վարչության նախագահի որոշմամբ:

6.2. Կուսակցության տարածքային ստորաբաժանումների գործունեությունը դադարեցվում է Կուսակցության վարչության նախագահի որոշմամբ՝ տարածքային ստորաբաժանման վարչության անդամի դիմումի հիման վրա:

6.3. Կուսակցության տարածքային ստորաբաժանման ղեկավար մարմինը տարածքային ստորաբաժանման վարչությունն է, իսկ վերահսկողություն իրականացնող մարմինը՝ տարածքային ստորաբաժանման կարգապահական հանձնաժողովը, որոնք ձևավորվում և կազմալուծվում են Կուսակցության վարչության նախագահի որոշմամբ, գործում են մինչև Կուսակցության վարչության նախագահի որոշմամբ կազմալուծվելը:

6.4. Կուսակցության տարածքային ստորաբաժանումները պարտավոր են կատարել Կուսակցության համագումարի, Կուսակցության վարչության նախագահի, Կուսակցության վարչության և կարգապահական հանձնաժողովի որոշումները:

6.5. Կուսակցության տարածքային ստորաբաժանումներն իրավունք ունեն Կուսակցության վարչության նախագահին առաջարկություններ ներկայացնել Կուսակցության աշխատանքների բարելավման վերաբերյալ:

## 7. ԿՈՒՍԱԿՑՈՒԹՅԱՆ ԴՐԱՍԱԿԱՆ ՄԻՋՈՑՆԵՐԸ ԵՎ ԳՈՒՅՔԸ

7.1. Կուսակցության դրամական միջոցների և գույքի ձեռքբերման աղբյուրներն են՝

7.1.1. Սահմանադրական օրենքով նախատեսված նվիրատվությունները:

7.1.2. Սահմանադրական օրենքով նախատեսված կարգով բյուջետային ֆինանսավորումը:

7.1.3. Սահմանադրական օրենքով սահմանված գործունեությունից ստացված եկամուտները:

7.2. Կուսակցության տարածքային և կառուցվածքային ստորաբաժանումները Կուսակցության գույքը կառավարում են Կուսակցության վարչության նախագահի սահմանած կարգով:

## 8. ՍՈՒՅՆ ԿԱՆՈՆԱԴՐՈՒԹՅՈՒՆՈՒՄ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ ԿԱՐԳԸ

8.1. Սույն կանոնադրությունում փոփոխություններ և լրացումներ կարող են կատարվել Կուսակցության համագումարի կողմից, բացառությամբ Սահմանադրական օրենքի փոփոխությամբ պայմանավորված փոփոխությունների և լրացումների, որոնք կատարվում են Կուսակցության վարչության կողմից:

8.2. Սույն կանոնադրությունում փոփոխություններ և լրացումներ կարող են կատարվել Կուսակցության վարչության նախագահի առաջարկությամբ:

Հավելված 1.  
«Ադելվադ» կուսակցության կանոնադրության

Կուսակցության խորհրդանշանի վրա պատկերված է վահան, որի կենտրոնում առկա է հավասարաթև, ոճավորված խաչ:

